

Te Maihi Karauna kua whakahoungia nei i roto o Te Whare o te Reo Mauriora

Haepapa Ngātahi

Ko tā Te Ture mō Te Reo Māori 2016 he whakamihi i ngā lwi me Ngāi Māori i tā rātou noho hei kaitiaki o te reo Māori, e aro ana ki te whakarauora mā te tukuihotanga i roto i ngā hapori. Ka tautokona tēnei e te Karauna mā te kōkiri i ngā whāinga ā-rautaki puta noa i te porihanga whānui o Aotearoa – e kīia ana i konei ko Aotearoa whānui.

Me mātua mahi tahi ngā lwi, me Ngāi Māori, me te Karauna anō hoki ki te whakatairanga i te uara, i te whakamahinga me te whai mōhiotanga ki te reo Māori.

Te Mahi Tahi mā te Haere Kōtui

Ka kitea te haere kōtui i roto i Te Whare o te Reo Mauriora. Ko tā ngā maihi o te whare he whakaata i te rautaki o tēnā, o tēnā, ā, ko tā te koruru i te tihi he tohu i te wawata pātahi: kia mauriora te reo Māori. Kei Te Rūnanga Reo te mana urungi o tēnei haere kōtui, he mana whakahaere ngātahi e whai wāhi rā ko ngā Minita me ngā mema poari o Te Mātāwai. Ka aro Te Maihi Karauna ki te whakarite i ngā āhuatanga kei te taumata pūnaha e kitea ai, e kaingākauatia ai, ā, e kōrerotia ai hoki te reo Māori. Ka aro te Maihi Māori, e arahina nei e Te Mātāwai, ki te whakarauoratanga i ngā taumata ā-lwi, ā-hapū, ā-whānau Māori, ā-hapori hoki.

E Rua ngā Maihi, Kotahi te Whare

He kōhure ngā maihi e rua, heoi, he hāngai. Ka mutu, me mātua mahi tahi ngā Minita o te Karauna me Te Mātāwai ki te whakaū i te tūhono, i te hāngai me te whai hua o ngā rautaki e āhei ai a Ngāi Aotearoa ki te whāngai i te whāmāoringa me te whakarauoratanga o te reo Māori – kia kitea, kia kaingākauatia, kia kōrerotia hoki te reo Māori.



Te Rautaki Maihi Karauna 2026–2028

TE MOEMOEĀ

Kia Māhorahora te Reo

Kia kitea, kia kaingākauatia, kia kōrerotia hoki te reo Māori

NGĀ WHĀINGA RONGOMAIORO

HEI TE TAU 2040:

Kua kaingākauatia te reo Māori hei wāhanga matua o te tuakiri ā-motu e te 85 ōrau (neke atu rānei) o Ngāi Aotearoa

Kua piki te āhei me te ngākau titikaha o te 1 miriona (neke atu rānei) o Ngāi Aotearoa ki te kōrero mō ngā āhuatanga ngāwari noa iho i te reo Māori

Kua ōrite te kōrerotanga o te reo Māori ki te kōrerotanga o te reo Ingarihi e te 150,000 tāngata Māori

NGĀ PUTANGA

AOTEAROA WHĀNUI

TE AKO

Kua whai arawātea ki te ako i te reo Māori i ngā taumata e tautoko ana i te whakamahinga

TE PUNA

Kua whai toronga ki ngā kupu hou, ngā karangatanga me ngā taumata ka whakawhanakehia ki te tautoko i te whakamahinga (me te kukuwhatanga) o te reo Māori

TE WHAKAMAHI

Ka kōrero, whakarongo, pānui, tuhi me te aroā hoki ki te reo Māori i ngā taumata ka tautoko i tā rātou whakamahi, ā, ka wātea hoki ki a rātou ngā taiao me ngā whaitua e haumako ana te reo ki reira

TE MANA

Kua mārama ki te uara o te reo Māori me te wāhi ki a ia i te tuakiri ā-motu

TE MĀRAMA PŪ

Kua mārama ki te noho mōrearea o te reo Māori, me ngā tautoko ka taea e rātou i tōna whakarauoratanga

NGĀ MAHI

Ngā ngohe / ngā mahi ka tukuna e ngā pūtahi rāngai tūmatanui, tae atu ki ngā rōpū whakaarotau me ngā takoha ki ngā putanga

Ngā pūtahi tūtahi, ngā mahi tōpū rānei

TE TŪRANGA

Ko tā te rāngai tūmatanui he kōkiri i ngā āhuatanga e tōnui ai te reo Māori hei reo ora puta noa i Aotearoa me tua atu hoki